



Broj: 06-1-366-1/20
Sarajevo, 22.06.2020. godine

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
Ulica: Reisa Dž. Čauševića broj 1
71 000 Sarajevo

PREDMET: Odgovor na zastupničko pitanje, dostavlja se

Dana 09.06.2020. godine Kantonalna javna ustanova za zaštićena prirodna područja je zaprimila dopis-Izjašnjenje na zastupničko pitanje zastupnika u Skupštini Kantona Sarajevo Elvise Vrete /veza Vaš broj i datum: 01-04-12553-83/20 od 05.06.2020 godine/.

Zastupničko pitanje se odnosi na to koliko je podnesenih i riješenih zahtjeva građana za isplatu obeštećenja, izgubljene dobiti zbog zabrane korištenja i raspolaganja koje nije otkupljeno u vodozaštitnoj zoni "Sarajevsko polje" u 2019/20. godini a kojim upravlja Kantonalna javna ustanova za zaštićena prirodna područja ?

U kontekstu gore postavljenog zastupničkog pitanja, dostavljamo sljedeći:

O d g o v o r

Kantonalna javna ustanova za zaštićena prirodna područja shodno članu 3. Odluke o osnivanju Kantonalne javne ustanove za zaštićena prirodna područja ("Sl. novine Kantona Sarajevo", broj 31/17) između ostalih upravlja područjem Spomenika prirode "Vrelo Bosne". Prvobitno područje Vrela Bosne je Zakonom o proglašenju Spomenika prirode "Vrelo Bosne" ("Sl. novine Kantona Sarajevo" broj 16/06) proglašeno III kategorijom zaštite prirodnih vrijednosti spomenik prirode, a Odlukom o osnivanju Kantonalne javne ustanove Spomenik prirode "Vrelo Bosne" Sarajevo ("Sl. novine Kantona Sarajevo", broj 26/07) je osnovana Kantonalna javna ustanova Spomenik prirode "Vrelo Bosne" Sarajevo i dodjeljeno je na upravljanje područje Spomenika prirode "Vrelo Bosne". Tokom 2010. godine Javna ustanova je preuzela na upravljanje i područja Spomenika prirode "Skakavac" i Zaštićenog pejzaža "Bijambare" i promjenjen je naziv.


Kantonalna javna ustanova za zaštićena prirodna područja je osnovana u skladu sa Zakonom o ustanovama ("Sl. list RBiH", br. 6/92, 08/93 i 13/94), te ima status pravnog lica koji je stekla upisom u sudski registar kod nadležnog Općinskog suda u Sarajevu.

Članom 17. stav (1) Zakona o proglašenju Spomenika prirode "Vrelo Bosne" (Službene novine Kantona Sarajevo", broj 6/10- Prečišćeni tekst) je propisano da zaštićenim izvorštima vode za piće na području Spomenika prirode upravlja KJKP "Vodovod i Kanalizacija"d.o.o. Sarajevo, u skladu sa ovim zakonom i drugim propisima, koji regulišu upravljanje i zaštitu voda.

Osim što je područje Vrela Bosne proglašeno III kategorijom zaštite prirodnih vrijednosti – spomenik prirode, prednje pomenuto područje je istovremeno proglašeno i kao vodozaštitna zona "Sarajevsko polje" u skladu sa članom 2. Odluke o zaštiti izvorišta vode za piće u Sarajevskom polju (Sl. novine Grada Sarajeva", broj 2/87).

Na kraju rješavanje predmeta utvrđivanja naknade za ograničeno korištenje prirodne vrijednosti u vodozaštitnoj zoni Sarajevsko polje nije u nadležnosti Kantonalne javne ustanove za zaštićena prirodna područja.

S poštovanjem,



DIREKTOR

mr. sci. Osman Delić

Dostaviti:

- 1.Naslovu
- 2.Ministarstvu prostornog uređenja, građenja i zaštite okoliša Kantona Sarajevo, *kao informacija*
- ② Arhivi Javne ustanove